



Na osnovu člana 1., 6. i 34. Zakona o kulturi Bosansko-podrinjskog kantona Goražde, („Službene novine Bosansko-podrinjskog kantona Goražde br. 7/04) i Kriterija koje je utvrdila Vlada Bosansko-podrinjskog kantona Goražde, broj: 03-14-862/07 od 26.04.2007. godine, Ministarstvo za obrazovanje, nauku, kulturu i sport Bosansko-podrinjskog kantona Goražde, **r a s p i s u j e** :

JAVNI POZIV

Za prikupljanje građe radi uvrštavanja iste u sadržaj publikacije pod naslovom „Monografija Bosansko-podrinjskog kantona Goražde“

- I. Priloge za uvrštavanje u sadržaj publikacije mogu dostaviti:
- pravna lica i
 - fizička lica, građani Bosne i Hercegovine i BH dijaspora.
- II. Prilozi se odnose na sve oblasti života i rada ljudi ovog prostora:
- geografski položaj i klimatski uslovi,
 - geopolitički i geostrateški položaj,
 - historijski pregled od prvih pisanih tragova do danas,
 - stanovništvo, urbana i ruralna naselja,
 - društveno-politički sistem,
 - industrijski i drugi privredni kapaciteti,
 - saobraćaj i komunikacije,
 - obrazovanje i zdravstvo,
 - poljoprivreda, stočarstvo, voćarstvo, šumski resursi, lov i ribolov, pčelarstvo,
 - hidro potencijal
 - zanatstvo, ugostiteljstvo, turizam i druge uslužne djelatnosti,
 - kultura, kulturna baština, običaji,
 - umjetnost,
 - sport,
 - priče, događaji, zanimljivosti i
 - drugo što nije rečeno, a vrijedno je zapisati.
- III. Prilozi se dostavljaju u neograničenom broju i na neograničen broj tema.
Poželjno je da prilozi budu sadržani na maksimalno 3 (tri) stranice kucanog teksta uz neograničen broj foto ilustracija, slika, crteža, skica i sl.
- IV. Uređivački kolegij za izradu publikacije, zadržava pravo ocjene kvaliteta prispjele građe i uvrštavanje iste u sadržaj publikacije.
- V. Priloge (tekst sa fotografskim i drugim ilustracijama) koje dostave spoljni saradnici – fizička lica, Uređivački kolegij razvrstava prema stepenu vrijednosti u 3 (tri) kategorije kvaliteta.
- Novčane naknade po jednom prilogu spoljnih saradnika iznose:
- za prvu kategoriju kvaliteta 150,00 KM
 - za drugu kategoriju kvaliteta 100,00 KM
 - za treću kategoriju kvaliteta 50,00 KM
- VI. Licima – spoljnim saradnicima koji priloge dostave bez naknade, a što treba da naznače uz prilog, izrazit će se javna zahvalnost.
- VII. Dostavljena građa će nakon obrade, a na zahtjev vlasnika biti vraćena.

VIII. Za originalne fotografije, slike, crteže, skice, dokumente, članke, druge tekstove, predmete i slično, koje Uredivački kolegij ocijeni da su od izuzetne umjetničke, historijske i kulturološke vrijednosti, predviđena je mogućnost otkupa po posebno utvrđenoj proceduri.

IX. Za priloge pravnih lica (institucija, ustanova, preduzeća i drugih privrednih subjekata, asocijacija, udruženja, vjerskih zajednica i institucija), a sa ciljem uvrštavanja u sadržaj publikacije, neće se isplaćivati novčana naknada.

X. Prilozi pravnih lica iz tačke IX. treba da sadrže bitne elemente tog subjekta, odnosno opis djelatnosti i sve drugo što je interesantno za širu javnost.

Prilozi moraju biti potpisani od strane ovlaštene osobe.

XI. Prilozi se mogu dostaviti poštom ili lično na adresu:

***Ministarstvo za obrazovanje, nauku, kulturu i sport Bosansko – podrinjskog kantona
Goražde,***

ulica Višegradska broj 2/A, Goražde.

Sa naznakom : „Za Monografiju“

XII. Ostale dodatne informacije, mogu se dobiti u Ministarstvu za obrazovanje, nauku, kulturu i sport Bosansko – podrinjskog kantona Goražde.

XIII. Rok za dostavljanje traženih priloga je 60 dana od dana objavljivanja ovog Javnog poziva.

**Broj: 10-40-2314 /07
Goražde, 04.10.2007. godine.**

MINISTAR

Sevda Popović, prof.